



青山集目錄

卷三

四皓

即事

江亭

春水

初夜

客禁

水漲

青山集卷三

晚望

幽居

遣意

早起

可惜

臥柳

西齋

西齋

水花

自貽

要客

夜興

遷居

微寒

客問

松風

寓館

立夏

競渡

西池

自笑

城上

却報

自遣

雨過

水漲

南樓

溪岸

城南

夕陽

交游

旅食

廢閣

揮扇

松櫪

深夜

傷春二首

精潦

喜晴

獨醒

宦情

西庵

野寺

晚晴

却臥

門巷

農事

日暮

遣懷

植杖

秋笛

柴門

屏迹

無客

賦分

野望

歸燕

搗衣

空囊

黃山二首

復寒

元輿携酒見過

雨中喜君儀要温老希聖同見過二首

謝君儀携酒要客慰嗔愁寂二首

白蓮啟日上人退避長老之命以四韵高之

送李絳伯華戶曹

和石叡叔留題君儀基石亭二首

謝君儀寄新茶二首 曉起聞禽寄元輿

寒食感懷示子燾二首

夜雨感懷二首

憶小子鼎

排悶呈元輿

懷天鵬

元輿三月三十日致酒

元輿試北苑新茗

四月一日

別南樓

別滂上

聞舊居教樂

登清音亭二首

雨中懷元輿

雨晴都按口號呈元輿

元輿憐我沒有瘴南之行以麴局不可出遂
置一樽託公域弟酌發眷之情于此可

見矣以四韻謝元輿并呈公域弟

與元輿論詩而風雨驟至

元輿近詩加妙用寄四韻

謝元輿送鮮鯉煮酒

招攷祐二長老嘗茶二首

追和故友表在齋酬攷老四韻

寄題建陽王祖聖朝奉南澗樓

壺公山方鄉墓亭

至節日君儀見過誦思猿佳作

兩懷安止三首

聞惠休師將浮海如吳省覽覺禪師

雨霽懷進醇老

覽進醇老詩卷

同蕭英伯登淨惠寺山亭二首

又和英伯四首

送惠休師浮海如吳

雨中酌君儀所送酒有懷

午日送酒与元輿

樂遊軒呈運使陳大夫

西池水漫蓮葉資深勸予理之

稍霽二首

自和二首

淨惠橋亭為水所漂因勸寬老葺之二首

送陳輯都曹致仕還鄉

舟經彭澤謁靖節祠

竹子灘逢廣漕張公詡二首

螺州送別王公濟朝奉還臺

送郭晦叔知海州

英州煙雨樓

南山禪院

廖華國史君致酒

同穎叔修撰遊吳圃今得須字

郎席和穎叔送別四韻

蔡梧州叙事拜禮用四韻謝之兼送別

寄東莞李宰宣德

送象守賈正夫朝奉還臺二首

追和李白金陵月中懷古唐格

和穎叔千歲柬

同穎叔脩撰登蕃塔

將至歷陽先寄王純父賢守

鄭致國宣義見過小山前飯叙舊

毅夫內相
令子

得金暉評上人書回以酬之

寄題六以亭

立夏日示陳安國宣義

携酒就陳安國隱居小酌

同崔負外訪陳安國隱居

書尋真觀王契元先生祠堂

寄九江陶子駿通直

寄題程信叔朝散先墳思成堂歸真亭二首

題趙康州石鼓編後宿廣善亭院

謝賈明叔侍御見過敝廬

和胡与幾承議藏雲山雲際寺并題
上巳席上有贈

費侍御同遊石盆寺以白玉船酌酒

寄潭州陳昌國解元 送褚南赴翁潯幕

送劉彥思推官 謝倪敦復惠酒

喜胡展誠改官南歸

何明道宣德話所見龍作四韻誌之

送南劍王倅奉議

和劉漢陽見寄郎官湖佳作

和劉漢陽浩然亭

雨中懷倪敦復因以密雲園寄之二首

和朱行中龍園遊澄惠寺

憂寒 元興制招飲錦衣亭

元興待制藏舟浦燕集

合肥逢清璉上人即圓通慎禪師弟子

癸酉除夜呈隣舍劉秀才

夜泛麻湖 保寧寺靜軒

風 冬夜泊金山

寄致政徐丞二首

送叔父入川

送人赴巫山尉

送許秀才二首

送衡武陵赴關

采石觀

康王觀

三妓頽子幽獨戲作四韻

贈臨江守范希遠龍圖

以下卷二十

青山集卷三

當塗郭祥正字功父

四皓

彼美四賢老高風萬古寒去逃秦鼎鑊歸識漢衣冠
翼之羽翰就堂之宗社安商山弊廬在還入白雲端

晚望

久客心嘗折登樓望轉迷風傾蘋葉亂雨重柳條低
未得趨金馬何當似木鷄細尋鄉國路愁聽暝鷓啼

即事

北戶風欺幌南橋水拍城柳長無嫩色鶯老有新聲
書帙看慵卷茶甌不厭擎故園何日返此地獨含情

幽居

春晚堪行樂幽居獨閉門忘形付詩酒吾道委乾坤
壞壁蝸涎亂殘經鼠跡翻交游今已絕孤坐欲何言

江亭

江亭孤坐久野望眼偏明映日浮雲薄搖風細柳輕
出墻新笋熟拍岸晚潮生遣僕沽春酒幽歡取次成

遣意

髮為煙嵐禿愁因患難添徑荒無過客筍迸任穿簷
啁雀誰能遣驚鳥不用占有巾堪澆酒聊欲効陶潛

春水

春水碧映一平堤映綠楊田疇資灌溉鷗鳥共徜徉
放餌愁空掣浮杯興最長晚風吹細浪仍送落英香

早起

客愁偏早起衰病愜晴明索酒防春瘴披衣聽鳥聲
舊書慵檢閱新客懶逢迎何日樊籠啟再歸溪上耕

初夜

初月未成魄瘴天雲霧低浦昏船竟入林密鳥爭栖
褊性憐幽獨香醪自挈携布衾今夜冷猶得避見啼

可惜

可惜花飛盡春歸客未歸艱難行路險老大賞心稀
翰墨誰曾問渙樵與顛違江干空駐目藜杖得相依

客禁

客禁何時釋驚魂裏歸深憂隣虎穴那得並魚磯草
色欣々茂螢光箇々微殘生苦多難搔首掩荆扉

臥柳

冉々碧濠邊三株細柳眠根歌元着水葉大鎮藏煙
不作棟樑用豈憂斤斧先春風任飄泊客意亦雨連

水漲

山雨連朝注溪流沒草亭蛟鼉方涵々鴻鵠亦冥々
只恐翻河漢終當見日星波瀾平地作嗟嘆未曾經

水花

水畔花饒笑歌枝映小亭日光烘欲醉江色冷還醒
淺白渾迷鷺殘紅尚襯萍幽人頗蕭索此地要頻經

西齋二首

西齋吾所構，簷角頰依林。
瀟洒松篁影，喧和燕雀音。
青春那肯住，白髮任相侵。
稍悟淵明樂，時時撫素琴。

西齋吾所愛，一徑綠蘿深。
終日聽新鳥，令人忘故林。
地偏無客到，山潤有苔侵。
禍患須安命，優游不廢吟。

南樓

兀坐南樓夜，闌干俯列星。
村遙喧瓦鼓，墻近震金鈴。
濕草埋昏瘴，飛蟲接小螢。
物生皆有理，吾亦委頽齡。

自貽

自恨心肝拙，題詩愈不工。
癡迷循磨緣，辛苦打窓虫。
妙道知何補，多言自取窮。
不知長寐默，塊尔白頭翁。

溪岸

溪岸逢春暮，柔條儘意攀。
輕鷗翔近渚，好鳥響空山。
小艇長歌側，孤雲自往還。
遠遊成底事，白首憶鄉關。

要客

要客來何晚，重醑澆酒巾。
玉琴虛別操，藤榻恐流塵。
山暗蕭蕭雨，花辭短短春。
杖藜慵緩步，愁殺獨遊人。

城南

淡沲城南路參差柳絆煙稻秧終一寸蠶子始三眠
曲折藏花地喧和載酒天清江深有興只歸解恐船

夜興

日沒草堂陰
汲書復掛琴
閉門人跡絕
危坐客愁生
星漢光鉉動
湖山氣象沉
嫦娥如借月
蚊蚋莫相侵

夕陽

夕陽沈谷口海水接天南
歸鳥自成陣暝山如半酣
省雲貪仰面移杖忽遺簪
幽獨誰相過人情老始諳

遷居

殊方雨滯客遷館避喧譁
破榻依寒竹疎窓對晚花
燕歸疑識面鳥噪默懷家
囊橐無書卷新愁有五車

交游

一作閩南客幽憂忍過春
交遊半卿相蹤跡自埃塵
未附垂天翼空成涸轍鱗
吾廬松菊在悵望熟溪濱

微寒

廣潦生寒夜幽人獨倚樓
渚涯迷海若燈火想漁舟
雷鼓蛙爭響雲天月暗流
未應時序變初夏迤如秋

旅食

旋煮青芹滑新炊白稻香僧居同淡泊旅食應康強
未擬沉湘水深防死未陽上書終自達聖世不虞唐

客問

來時麥未吐今見秀盈畦投穿還遭石登雲孰有梯
尔譔徒似錦吾醉只如泥行止無勞問空山杜宇啼

廢閣

疊甃基猶在排空閣已摧燕愁尋旧棟蟻蠹傍新苔
月色閑圓缺風声自去來廢閣何可問劫火亦成灰

松風

夜寂松風度魂清客枕寒琴声傳不盡詩句寫應難
驟雨傾瑤砌真珠落玉盤隱居如可訪吾欲跨翔鸞

揮扇

四月長汀郭晴多暑氣濃欲眠難藉草選蔭必依松
綠水遙思濯青雲底處逢西岩殘照盡揮扇待疎鍾

寓館

一徑松陰合重門院落深客來聽鵲喜春過惜鶯吟
風月時經檻塵埃不到襟黃庭看在手白雪任雲簪

松檻

婆娑松與檉夾徑碧濛濛未辨雪霜操同霑雨露功
低枝翻翠蓋垂月密樊籠他日為梁棟掄才合至公

立夏

歲旦辭江國炎天客瘴鄉浴波群鳥白含露野梅黃
恨別山隨眼消愁酒滿觴殘魂終易斷回首只茫茫

深夜

四天垂翠碧一水湛星辰寂寞殊方夜漂流片葉溪
帝鄉勞夢想客路只風塵鍾鼓還催曉深暫釣渭濱

競渡

競渡傳風俗旁觀亦壯哉棹飛爭鳥疾標奪彩龍回
江影渾翻錦歌聲遠雷震輕生一向樂時序密相催

傷春二首

臘月花開盡中春不見花柳陰空拂地草色漫平沙
客路心常折僧窓鬢自華故鄉何處是瘴海暗天涯
春雨時時暗春花眼未經生涯隨過鳥世態委浮萍
瘴霧何由避蠻歌不忍聽誰家有醇酎吾欲醉兼醒

西池

雨漲西池水微瀾拍画橋不愁蓮芡沒唯恐棟樑漂

扶杖防危步移床
遶晚潮何當風日爽
一舞看纖腰

積潦

積潦連江海
春撞銳劍鋒
郡城千犬折
民食五年凶
兩脚懸麻直
雲頭潑墨濃
忘機唯白鳥
不解避蛟龍

自笑

自笑姑溪客
還投瘴海邊
不才無進路
多病復殘年
欲種千竿竹
將求二頃田
人生底事足
且愛酒涓涓

喜晴

瘴鄉仍以雨
生事念樵魚
江海雲歸盡
乾坤日上初

短垣張澣服
幽圃理殘蔬
佐國知無術
聊欣病體舒

城上

危步欲何適
城頭獨杖藜
水歸滄海後
雲散暮天時
秋色長空淡
笳聲迥野悲
泥沙埋熟稻
一穗亦無遺

獨醒

野性唯伶酒
無聊遂獨醒
風塵雙白鬢
天地一青萍
鵬鳥寧須賦
離騷未是經
回頭付陳迹
終欲醉冥冥

邸報

立法新三省
論才尺數公
簿書期會正
風俗見聞同

戎狄瘡痍後朝廷氣槩中不才思獻賦天路恐難通
宦情

宦情寥落甚况在九溪邊瘴霧易成雨颶風偏覆船
水殘餘盜賊村迥少人煙欲達中州信迢迢路六千

自遣

骨相殊屯賤無官只有階半生萍梗過兩鬢雪霜排
去國長空斷求思心未諧新交莫相笑中立一枯柴

西庵

一庵丹荔下更與畫橋隣不許塵埃到每期風日親

好音聞度鳥斜影辨疎筠拂拭白藤榻款眠穩病身

雨過

雨過添幽事寒裳步暖沙竹梢含宿霧藤刺骨輕槎
瀉鵝雙隨浪晴蜓對覓花老夫詩思愜頗覺日沉車

野寺

野寺盤山腹高秋雨霽天拂簷雲漫漫穿竹水涓涓
接食憐馴鳥榴筇慕老禪經年無客到門巷疊青錢

晚晴

川漲那堪雨今朝喜晚晴幽花縈露重濁水上蛙鳴圩

以下卷
二十一

稻應全刈村醪可強傾吾雖無一畝亦足慰餘生

屏迹

迹屏已恨晚疲軀今自由百年無七十一日有千憂
賔酒開青眼憑詩遣白頭莫言賓客少池上兩三鷗

却臥

曉起梳頭畢開窓却卧時素煙收枕席紅日上蒲籬
仰面看書卷移床近酒池紛方萬事足安用老夫知

無客

病久人情厭經旬客不來簾因風力卷門待月華開

柳上新蟬咽城頭暮角哀勞生隨物化孰免葬蒿萊

門巷

蕭々秋容淨蕭々門巷澗荆榛原自合車馬少過尋
問婢催蔬熟呼兒取酒斟藤床未成寐野鳥噪埽林

賦分

賦分從來薄明時敢妄干六年悲對獄五十速休官
水送雲天淨山開洞壑寒一枝能息影何假北溟寬

農事

三歲悲農事官倉亦已貧勅書雖赦獄恩澤未蘊民

南國供輸大中宵涕泗頻一心隨草木無復念沈淪

野望

暑雨收殘候秋雲結薄陰山光翠蕪紫水淨影還深
竹密群鷓入天空一鴈沉興來搔白首衰颯愧儒林

日暮

倚杖孤亭久無心辨俗訛暮山青掃汶秋藻白浮波
岸震歸船鼓村喧刈稻歌未收西望眼問罪有干戈

歸燕

天外秋風勁梁間燕羽稀營巢雖未老何地汝成歸

壘澤多樓閣茅堂無穿機故園春色動還趁社前飛

遣懷

節物驚心事搏金菊放花潛魚防餌釣高鴈避城笳
南浦秋風冷西江月照斜異鄉消息斷林外更聞鴉

搗衣

清秋送殘暑隔屋忽聞砧遠震星河夜遙興闌塞心
欲知針縷密即是淚痕深他日功成後逢人寄好音

植杖

獨往憐漁艇群飛愛暮鷗誰云天地窄自伴水雲遊

荇葉青爭老蓼花紅半汎江頭人事絕植杖我何憂

空囊

床有半衣卧厨供石髓食此身知是幻卒歲不為難
冰合潛蛟冷雲深病鶴寒青錢無得選空掛一囊看

秋笛

清秋聞笛弄獨立露沾衣天外雲雨住水中龍未歸
悠揚聲益苦感激思何微不似前春聽梅花片々飛

黃山二首

秋物已蕭洒臨高念歲窮陣收群雁沒峯斷片雲空

月色山川内笛聲關塞中西人未柔服長策在諸公
秋晚涉浮丘西臨古渡頭兵声沉斷岸橋影散中流
雪讓蘆花密雲排稻穗稠乾坤均帝力草木豈能酬

柴門

水落烟村迥柴門四五家晚風回斷岸寒雨側幽花
世事紛無已人生自有涯鯨鼈真可釣吾興欲乘槎

復寒

三月閩南國陰寒變恹悽市樓添酒價山雨勒鶯啼
田父憂春種商人怯路泥何當好風日稚子浴青溪

元與携酒見過三首

永日門常掩欣聞五馬過社餘巢燕入花散密蜂多
望斷千山綠愁來兩鬢皤肝腸酒一濯須藉酒為河
酒味年來美携觴約屢過交情貧始見詩思老仍多
許國心嘗赤思家鬢任皤誦君新詩句秀色攬山河
沉毅陳夫子談兵孰与過運籌知必勝善將不論多
漢陣千軍黑胡沙萬里皤如聞洗戈甲誰為挽天河
雨中喜君像要温老希聖同見過二首
蕭蕭山寺雨漠漠暮雲寒不恨衲衣薄溪恨酒盞乾

離披花刺眼容易雪衝冠要客能相遇寧辭濕錦鞍
萬里鄉園別一春風雨多亂蛙散闌急歸燕舞綠何
石榻昏苔蘚柴門暗薜蘿楸株方自笑忽枉故人過
謝君儀携酒邊客慰嗔愁二首

佳客過窮巷良朋復可要靜緣綦局亂愁逐酒盃銷
花底鶯聲度林間兩點飄晚春頻一醉何必擬松喬
諗人未授此君子獨相親歲月驚春晚壺觴慰我貧
松聲風外急山色雨中新一醉無歸夢寧論寂寞濱

白蓮啟日上人退避長老之命以四韵高之

結宇古城邊能詩復悟禪鉢分摩詰飯池種遠公蓮
竹飈春烟靜禽歌夜月圓潔身吾有趣回首謝塵烟

送李絳伯華戶曹

國士苛微祿携家千里行鄉閭寒食節郵舍冷猿聲
落日和雲盡離觴与淚傾銜冤仍送別何以慰浮生

和石散叔留題君儀基石亭二首

高才據遠趣鑿石架危亭宿鳥依林白春苗接海青
雲光隨箒乱泉響置琴聽况得少陵句宜鐫坐右屏
因山基大石華榜揭高亭畦稻翻新綠山嵐浮遠青

鳥行雲際度松籟雨餘聽安得吳生画為予傳小屏

謝君儀寄新茶二首

建溪春物早正月有新茶得自參軍掾今來居士家
輾開蠶玉餅湯澣白雲花一啜清魂魄醪豈足誇
此苑藏和氣生成絕品茶豈宜分旅館只合在山家
何處成雲蘂看時變雪花琳琅新得句又勝玉川誇

曉起聞禽寄元興

幽鳥語清晨曉聞宅禁人只知添白髮不覺度青春
救過須三省觀空只一人塵賢交如未棄時送濁醪醇

寒食感懷示子燾二首

柳暗青春暮鶯啼靜院陰鄉關隔寒食父子共沾襟
未牽鵬天翼聊為鵬舍吟驚魂招不得時節感人深
寒食金波淚他鄉此日新草連天際色泉斷隴頭香
先塚三季別飛埃萬里侵只憑欵枕夢時到謝山陰

夜雨感懷二首

夜雨霑難霽溝塍復亂畦輕寒侵病骨餘響奮空階
杜子嗟沾濕莊生失渚涯通宵不成寐歸思瀉長淮
羽毛零落易摧傷父子同函瘴屬鄉啼夢不成殘夜

雨空階滴、到愁腸

憶小子鼎

元朝別家去音信隔三春讀易應終卷端居莫患貧
定交疎燕雀養節慕松筠寃獄何時辨思鼠淚滿巾

排悶呈元輿

交態非今薄人情自古難弊裘甘我老雄劍請君彈
魂逐雲峰斷心依酒每寬百季能幾許日月侶跳丸

懷天鵬

築室君先隱窮途我正難流鶯春谷暖別鶴玉琴寒

泉響經時聽雲光抵暮看異方空淚眼何日共幽歎
元興三月三十日致酒

衰病仍為客相依過一春和篇驚韻險把酒沃愁頻
紫煖策方穗黃鸝語尚新何時公赴台終欲託車輪
元興試北苑新茗

建溪雖接壤春未始嘗茶旋汲鄰僧水同烹北苑芽
月圓龍隱鬣雲散凜成花貢入明光殿分來王謝家

別南樓

寄榻六十日朝朝上碧城雲光隨近遠山色變陰晴

濠靜魚鱗躍樓空燕不歸他時那復到欲去重含情

四月一日

有瘴從今始斯須雨復晴草蒸蛇肆毒榛密鵬嘗鳴
晚食宜防飽村醪可強傾何時擊歸鐘高眎漢浮生
俗傳晚食不可令飽、即中瘴須數飲以禦之

別濠上

自得莊生樂觀魚近碧濠觸癩時鼓鬣防餌不投刀
柳挹春風靜鷗眠夜月高捨旃吾有遠滄海釣鯨鰲

聞舊居教樂

昔作幽人宅今為舞女場
燕驚絃管雜草避綺羅香
誼靜雖殊致興衰自有常
遙憐岩桂下誰拂讀書床

登清音亭二首

已別城樓景還登樹杪亭
地高隣北斗山遠接南溟
蟾影依雲斷棋歌隔浦聽
客愁安用遣此處可忘形
薄暮杳何適高臺登古亭
地無南國瘴簾卷半空星
石瘦長人立潭春皓雪停
短才吟不就終欲付丹青

雨中懷元輿

暫阻龍山雨還思鳳閣人
凌雲曾獻賦薄霧豈藏身

酒釀公田林蕙調紫豉
蓴稍晴應見過酬唱莫辭頻

雨晴都按口號呈元輿

雨為華筵止晴牽飲具長
管絃隨畫永羅綺散風香
衛伏留春碧宮衣想藉黃
明年今日事歸捧祝堯觴
元輿憐我復有瘴南之行
以麴局不可出遂置一樽
託公域弟酌發春之情此
于可見矣以四韻謝元輿
并呈公域弟

憐我萬里別南荒多瘴埃
身為官事隔酒託故人開
飲德知難報論歡默可猜
宗家有毛女永潔勝寒梅

公城美蒞姓毛々女古仙人也

与元輿論詩而風雨驟至

一作城頭飲重論別後詩倏然雲雨至應有鬼神悲
叙事公偏富求教我最知賡酬三百首飲韻付咸池

元輿近詩加妙用寄四韻

誰識子昂孫新詩靄暮雲休兼諸讖備名与少陵今
今去知無敵從来自出群南山能射虎只許李將軍

謝元輿送鮮鯉煮酒

鮮鯉江湖味香醪日月春撫循時有贈飽暖遂忘負

王縷空揆筋金波漫入脣交情今乃見晚節共松筠

招攷祐二長老嘗茶二首

無物滋禪味來烹北苑茶碾成雲母粉香濺碧松花

消渴梅何俗安神术謾誇清談嘗教梳莫笑老盧家

昔人多嗜酒今我酷貪茶軟玉裁成餅輕雲散作花

石泉助甘滑腸胃滌煩邪却怪少陵客曾無新句誇

追和故友表世禪鼎攷老四韻

坐諷湯休句闡南朱夏時碧雲生海嶠清吹散松枝
救物論寧報安禪不履危江東飽芹蕨肯付野人期

寄題建陽王祖聖朝奉南澗樓

郎省辭榮早樓居鶴髮翁響今南澗水清占北窓風
紫府雲嘗近黃塵路不通何當陪杖履有意奉冥鴻
壺公山方鄉墓亭

鄞國棠陰在壺山墓草黃慶源長不竭善訓永無忘
煥雀春風裏烟雲碧瓦傍命書何日下潛聽發幽光

至節日君儀見過誦思猿佳作

不赴郡樓宴能過野寺門撫循悲節物飄泊任乾坤
瘴霧驚霜盡溪朝向晚渾思猿有佳作敢為倒清樽

雨懷安止三首

春雨霏霏難霽春山阻後遊綠迷芳草恨紅濕落花愁
古劍空彈鈇踈簾懶上鈎何當生羽翼一日似三秋
身隔空山兩心同物外遊成篇超俗格開卷釋新愁
鷺鳳翔青鎖蛟鼉掛玉鈎重吟垂翼句春色返如秋
雨隔陳夫子僧房懶獨遊閉門誰復過欲語已含愁
病翼深防彈鷲鱗遠避鈎交情君勿替松柏挺霜秋

聞惠休師將浮海如吳省寶覺禪師

去與已翻已輕包赴海船霧收山翠濕月出浪華鮮

鼓動看風力浮沉信佛緣何時達鍾阜重聽寶公禪

雨霽懷進醇老

宿雨洗林扃開窓曉色清池深魚競躍花落鳥頻驚
結友論三益營居共一成風騷真有意世事久無情

覽進醇老詩卷

羈栖海上州歲晚得師遊白瀉碧潭月篇成清夜秋
雲根龍洞鑠花氣密房收此理何人達營：枉白頭

同蕭英伯登淨惠寺山亭二首

策杖輕忘倚凭欄遠目明清江排喜釣綠野碎春耕

嗜酒今非勇題詩尚有情薄遊拔俊德唐相舊家散
一逕穿林麓幽人借杖扶西山螺頂秀南塔筆峰孤
好鳥當花語輕烟襯草鋪登臨情未足暝色欲吞吳

又和英伯四首

亭出林巒表春歸氣象明江晴稚子俗田暖老夫耕
弱柳禁風力遊絲索客情欲歸：未得愁聽杜鵑聲
楚興憐詩逸春醒要酒扶登臨同俊哲笑傲不羈孤
日落金霞卷江翻雪浪鋪闌山又寒食何日到東吳
亭臨天外構春物望中明客興托詩酒野心恰釣耕

露花如有恨風柳自含情何事子規鳥故為斷腸聲
開亭當險絕疑有百神扶江靜群鷗集天空一鶴孤
落英紅錦碎狂絮白毡鋪試問江南信歸帆自至吳

送惠休師浮海如吳

遊吳興不淺直欲誇冥鴻豈畏海波險自明禪性空
柁樓瞻北斗帆索張東風我欲江南去音書却易通
雨中的酌君儀所送酒有懷

冬雷知不密地震復如何海角晴明少客心憂患多
白鷗欺浪舞黃鳥挾春歌幸有故人酒門深掩薜蘿

午日送酒与元輿

前歲菖蒲酒臨汀共一樽回思當觸網猶有未招魂
抱羨君偏厚餘生我尚存都城愁此酌佳節可重論
樂遊軒呈運使陳大夫

狹徑通蕭寺墻開薜荔陰坐聞松籟奏婦待月華沉
雅有賢人樂清無俗望侵一軒寧久駐四海望為霖
西池水漫蓮葉資深勸予理之

短々芰荷葉深々野草漫何神能止雨無術理驚湍
久客懷三徑包羞拘一官賞心那復數歲望骨毛寒

稍霽二首

稍止今朝雨，猶埋瘴嶺雲。
辭流安可塞，故老未嘗聞。
陰怪群難數，陽光晚漸分。
僅能存井邑，不復念耕耘。
霽霖霏晝夜，積潦接郊郭。
小艇家、有危樓處、扶
稍晴人共喜，却暖鳥爭呼。
海若一何暴，幾翻天地樞。

自和二首

已喜收微雨，還愁合暮雲。
朝痕殊未減，屋折厭頻聞。
天地溟濛內，山川早晚分。
吾民方乏食，何以慰耕耘。
猛風來半夜，駭浪却平郭。
避地憂橋斷，登山借杖扶。

馬牛真不辨，老稚亂相呼。
安得瞻晴景，蒼苔繡戶樞。
淨惠橋亭為水所漂，因勸寬老葺之。二首

怡悵風兼雨，西橋半夜摧。
青龍真變化，白鳥漫驚猜。
蕩滴無遺跡，登臨不再來。
道師如好事，重為購良材。
水漲西橋折，重來踏已差。
簷牙翻駭浪，石脚沒平沙。
夢想追塵迹，堙沉嘆物華。
何人能起廢，壯觀老禪家。

送陳輯都曹致仕還鄉

賦筆驚場屋，高才嘆陸沉。
宦遊今日盡，野興暮年深。
黃菊看、秀青雲處、陰君懷能亢。
爽吾意亦侵尋。

舟經彭澤謁靖節祠

彭澤江邊邑蕭疎靖節祠
烟昏鹿皮畫草暗菊花籬
詠德今千載言歸彼一時
男兒要出處此道幾人知

竹子灘逢廣漕張公詡二首

泗水初傾蓋西江舟逆舟策能誅賊滅心不為身謀
夜永談無寐樽空幸少留
遲明還惜別飛槩下灘頭
會合嗟無酒南連漫索茶
晚雲隨落日歸雁集寒沙
自達聊安命多言任指瑕
吾宗有令弟恩復出君家
吾弟蒙正為公美所薦

螺川送別王公濟朝奉還臺

亭上客送客江頭山映山
白醪酌盡彩鳳欲飛還
帆轉疎林外烟生遠渚間
離愁自堆積輒莫唱陽關

送郭晦叔知海州

凜、汾陽秀螺州舊徙居
文名動塲屋孝節冠鄉閭
御史論才久方州獵等除
朝廷終器使宗廟得璠璣

英州煙雨樓

江路分韶廣城樓壓郡東
妓歌星漢上客醉水雲中
潑墨天涵溟鋪綃月映空
登臨逢此景不復念窮途

南山禪記院

棟宇新成寺黃金貼翠微
山眉一雙碧江帶水條飛
亂石森門戟晴雲作地衣
薰絃誰與奏松響瀉珠璣
廖華國史君致酒

飛蓋穿林外行厨就竹間
酒狂息海瀉歌響過雲還
逸驥方騰躍疲鷲強附扳
磨崖記名姓長伴水潺湲

同穎叔脩撰遊吳圃分得湏字

地与浮丘接花如錦帳鋪
杜康傾琥珀海若獻珊瑚
老竹爭抽笋幽禽自引雛
人生行樂尔富貴亦何湏

即席和穎叔送別四韻

二月溟濛雨春寒返侶秋
玉光浮濁浪蘭楫擬滄洲
自顧騫駘困寧扳逸驥遊
楚歌彈未徹歸思已難留
蔡梧州叙拜礼用四韻謝之兼送別

卓犖金閨客經過慰老夫
能當韓子拜深媿孟生愚
開卷詩千首論交酒一壺
春風送和氣連夜入蒼梧
寄東莞李寧宣德

舊友幾人在寧嫌双鬢皤
一生長作客九死漫悲歌
歲月驚秋速閨山恨別多
君須陟臺省吾欲隱松蘿
青山集卷三

送象守賈正夫朝奉還臺二首

六載為南郡歸時雪滿顛一家終度嶺單騎欲朝天
介潔終無玷精神老尚全十分愁別酒魂斷鵲亭前
十載音書絕扁舟忽見過有樽傾別酒無妓唱離歌
海澗春光少城空瘴霧多羨君先度嶺猿叫隔雲蘿

追和李白金陵月中懷古唐格

歷覽古都會金陵冠南州天開鍾阜倚江轉玉繩流
異代有兵廢前賢歸塚丘草沒烏衣巷塵埋結綺樓
城空龍虎踞臺罷鳳凰遊默想秦淮月曾悲玉樹秋

和穎叔千歲柬

彼美祇園惠珍同玉井船後期千歲熟今日萬珠圓
地潤仍依佛欄深自慕煙結花雖最晚藏核莫如堅
鴨脚看何小鷄頭美未全種來誰共老服久必成仙
大食移根遠番禺託帶蓮舊名稽藥錄新賞著詩編
甜出諸錫上香居百菓前黑腰虛羨尔紅皺豈為然
柔脆憐金鳳飄零嘆木綿諷苞丹荔賦精奪寶刀篇
靜夜風回海清秋月蘸天綵山要客集翠穎繞枝駢
邂逅為公壽娑娑與世延暮鐘催酒散嘶馬引旗旋

學卷二十三

今作中州瑞元從異國傳何當廣栽植欲以慰飢辛

同穎叔脩撰登蕃塢

寶塢疑神運擎天此柱雄勢分吳越半影挿斗牛中
拔地無層限登霄有路通三城依作鎮一海自橫空
禮中佛諸蕃異愁香与漢同祝堯齊北極望舶請南風
瑞氣凝仙露靈光散玉虹鐸音爭響亮春色正冲融
眎筆添清逸凭欄說困蒙更當高萬丈吾欲跨冥鴻
將至歷陽先寄王純父賢守

竹馬交遊早星軺會遇難行年均坎珂撫已共悲酸

鳳去鍾山暝龍沈洛水寒朝廷新日月風俗舊衣冠
佳郡分符邱脩途振羽翰樽醪千蟻汎樓瓦萬鱗蟠
直節堅逾柏忠赤奪丹才華僉論著功業鼎銘刊賤
子初投笄收身即棄官生涯添鬢雪歲序走江湍造
空思陳榻論思愧杜壇鷄鷄信微物聊假一枝寬
鄭致國宣義見過小山前飯叙舊毅夫內相

令子

一見翰林子悵然懷昨遊盡為泉下鬼猶有水中漚
皇祐京城之遊唯子獨在屏跡今雖久驚魂恐未收

殘年唯伏枕幾月不登樓
促榻開青眼論詩慰白頭
嶺雲遮薄暑江雨濕新秋
蔬飯慙無味星軺強少留
會難真可惜老去只添愁
明歲聞官滿高才副帝求
功名隨會遇闊闊暢源流
養大應知損安早且尚柔
不孤將有託吾說宜虛授

得瑞金暉評上人書回以酬之

野寺三秋別緘書一度收青開
今日眼白盡昔年頭
高羨嗟難得勞生若遠遊
新亭名六以真安復何求
上人書云林間新作小亭名爲六以

寄題六以亭

以幻聊觀幻亭將六以名
隔林風籟息滿地月華清
不動超千劫隨緣度一生
有時拈榔標劃斷野泉聲

立夏日示陳安國宣羨

昨日春歸盡輕衣畏暑侵
落衣空眷影新葉自成陰
晝永惟便睡蟬清稍伴吟
小團宮樣茗分酌莫辭深

携酒就陳安國隱居小酌

家住逍遙國門無車馬音
十分消睡茗一片已灰心
春去花應盡潮生岸恐沈
筵須携飲具來傍荔支陰

同崔員外訪陳安國隱居

共出塵埃外來尋董監家未能穿草屨且欲駕柴車
谷斷雙橋險門荒一徑斜客心聊為洗石鼎煮新茶
書尋真觀王契元先生祠堂

久悟尋真訣應為蛻骨仙壽齡過九十功行滿三千
舊話皆如約八年先生見予約以九十二歲前尚可
一見知心信有緣相思一盃酒和淚洒雲泉

寄九江陶子駿通直

家住廬山脚堂開佚老名清朝知止足白髮慰平生

日月歸千載乾坤付一觴曾逢金馬客喚作小淵明
寄題程信叔朝散先墳思成歸堂真亭二首

水聚山仍合營祠構一堂丹青瞻隧表簪笏遍諸郎
烟雨湖春溟松篁絕澗香命書連歲下潛德發幽光
世澤從今遠音容杳莫期苑源春去後華表鶴歸時
月慘煙雲晦風生竹樹悲登亭還洒涕千載景豐碑

題趙康州石生編後

一賊鳴銅鼓孤城隕使星形骸糜矢石忠義貫丹青
皎々張巡傳聖俞表新々季子銘荆公誌吾詩愧洎

滴何以助南溟

宿廣善院

峻嶺隔人世深雲藏宝坊
龍鱗蟠碧瓦虹影掛雕梁
道濟三塗苦齋餘七日香火
天蚊蚋絕此地信清涼

謝賈明叔侍御見過敝廬

不是少陵客寧煩謝守過
雨昏窮巷柳風折小池荷
至論鏗瓊玉幽情愛薜蘿
公屢愛陋居幽僻朝廷容
直道予亦樂漢策

和胡与幾承議藏雲山雲際寺田題

山路入雲際山深雲更深
老龍方悔角秀水不依林
溪溜水生面泉泓月作心
何須長抱石天下望成霖

上巳席上有贈

眸子剪秋水丹青畫不真
誰知上巳日忍見統沙人
姑射長留月菴花別有春
地衣新樣錦羅襪不生塵

費侍御同遊石盆寺以白玉船酌酒

共訪青山寺仍翻白玉船
不憂身墜馬先覺口流涎
水鏡初涵月雲峯半倚天
新堂雖未就詩思已飄然

寄潭州陳昌國解元

為問陳昌國醇醪幾度春海中消息斷
予飲器名高
詩云感君添我海中春枕上夢魂頻舊恨愁流水新
吟待故人何時騎鹿去重笑九溪濱

送褚南翁赴潯幕

學行從來著官臨亦有規衆人皆信謗唯我獨无疑
萬里還趨幙三年且待時煙霄岐路在晚達未為遲

送劉彥思推官

入幕三久年還家萬里遙道孤誰汲引政善衆歌謠
北夢君方穩南魂我未招官醪不許買別恨幾時銷

近禁官務不得買細酒

謝倪敦復惠酒

江南今朝霽柴門爽氣高病餘逢七夕書至得雙醪
飲德知無盡論心敢憚勞鳳團分賜茗持以報詩豪

喜胡辰誠改官南歸

聞道扁舟至南歸得意人拜官臨百里增祿慰雙親
所養應趨大能廉不患貧山家一樽家酒醉為拂京塵

何明道宣德話所見龍作四韵誌之

跬步以龍起驚嗟莫適藏水鱗搖白影火鬣綴紅光
穴地遺涎在拂雲曳尾長不逢吳子画想詠獨難忘

送南劍王倅奉議

何幸一身老親逢三世賢文章吾已盡閑閱尔能傳
歸劍先生夜層樓影插天課書登善最漢殿席應前

和劉漢陽見寄郎官湖佳作

出郭湖光滿轉山湖影凉得名因太白起廢自劉郎
石鏡三更見荷花一犬長客來蒿往事蘭草死犹香

和漢陽浩然亭

磴通道絕頂登臨懷弊廬山雲數峯斷江樹一行疎
舊史名空在新亭画不如自迷姑熟釣溪愧漢陽書

雨中懷倪敦復因以密雲團寄之二首

曲巷無人至幽居覺日長數声猜旧燕一縷惜殘香
著雨花枝因欹風柳帶忙夢魂招不得惟是倒君傍
三載久相依省々嘆別離可堪江雨隔空對野梅悲
息迹無人問因禪与物遠密雲新樣茗封送習家池

和朱行中龍圖遊澄惠寺

一水碧漪々更逢煙雨微草昏千步障松掛六銖衣

冷翠光爭滴殘紅濕不飛自怜詩句拙空伴史君歸

夏寒

三伏當炎熱翻如九月天晨興重衣袂夜宿盡防川
船撼江聲怒樓侵雨氣纏白頭悲世態何以度殘年

元輿待制招飲衣錦亭

宿雨消殘暑嘶蟬引素秋吟悲宋玉賦醉倚仲宣樓
衣錦平時樂藏舟戰國愁蜀山斜照盡歸具尚遲留

元輿待制藏舟浦燕集

聖主銷兵久樓船不復藏清瀾浮桂檝紅袖廣瑤觴

苜蓿風牽碧荷花雨迸香孔融真愛士寧厭稱生狂

合肥逢清漣上人即圓通慎禪師弟子

閩國衣冠後羗廬法性師江河傾辨說冰雪淨容儀
增影龍蛇護松声猿鶴悲門人忍相逆話旧涕空垂

癸酉除夜呈鄰舍劉秀才

六十明朝是今年此夜除勞生一樽酒陳事數行書
臘逐燈虹盡春回律管初不愁家信斷安穩藉鄰居

夜泛麻湖

片水消後盈上月落初舟輕風勢急水濶雁鳴疎

生事長漂泊愁懷自卷舒還憑過江夢一為省吾廬

保寧寺靜軒

隱几得真樂此軒溪復深衆喧從過耳一法不關心
雨止溪添漲風行竹亂陰誰云非動對吾欲寫瑤琴

風

颯々來何處空岩虎一聲蕩搖神女態飄忽楚王情
有力疇能禁無根長自生掃除天際霧為放日車明

冬夜泊金山

寒野雲陰重新冬客意忙道塗無處盡歲月有時長

流落隨紅海崩騰避雪霜還投白蓮社清淨萬緣忘

寄致政徐丞二首

為問徐夫子歸與樂歲何宦情今日盡野具與雲多
供佛延親閣開樽許客過終期卜鄰去松下接長哦
為問徐夫子身閑心若閑一樽陶令酒十頃謝家山
雲外冥鴻去松顛獨鶴遊令人起高具從此卜追扳

送叔父入川

霰雪滿江海破帆風易吹從今孤鳥興不及共菓時
諛謗寧須辨神明豈易欺峽山雲木老莫動故園悲

送人赴巫山尉

薄宦杳何所令人重別離
暮天歸鳥盡濕櫓渡江逢
神女十分色襄王萬古悲
到官無盜賊覽古數題詩

送許秀才二首

許子來何謂還家與未忘
青山聊自愛白跣不知長
皓雪飄詩句寒星動劍鋌
嗟予倦塵俗無術接翱翔
西風吹落葉片上旅人心
半夜有歸興明朝雪滿簪
濁醪聊惜別精藝少知音
草店青山外解鞍孤月沉

送衡武陵赴闕

夫君老文學國士盡知音
往奏相如賦休伶阮籍吟
一樽江上酒千里日邊心
人問武陵事桃花春水生

采石觀

江水流還合山形到此孤
突然樓閣聳疑有鬼神扶
門外橋蹤在沙邊玉氣無
我來何所得石上採菖蒲

康王觀

踏絕蒼崖險橋橫大壑飛
花殘啼鳥去雲重老老歸
劍佩塵埃化冠簪繪塑非
客來空悵望魂斷夕陽西

三妓領子幽獨戲作四韻

忤俗遭羅網何緣即掛冠
閉門誰復過獨酌不成歡
客久添衰疾春餘尚苦寒
幽花雖入眼不似故園看

贈臨江守范希遠龍圖

傾蓋相逢晚開樽上小樓
感時心尚壯欲語涕難收
神主方思治英才悉應求
邦畿分使節玉陛通宸旒
溫密親聞詔精忠屢獻謀
養兵能足食行縣必寬囚
舜日期元盡堯雲邁莫南
禹湖龍化影銀海雁沉秋
事畢身先賤名高衆所尤
一麾甘去國千里漫承流
兄弟皆朱紱雙親未白頭
遭謫雖坎坷安命亦優游

雪意饒冬暖灘聲柰客愁
須君作霖雨終附濟川舟

青山集目錄

卷四

淮南韓魏公新祠

韶州唐張文獻公祠堂

謝蒞運穎牀寵寄新什

陳秀才惠示長歌答以四韻

和君儀感時書事

阮希聖新軒即席兼呈同會君儀溫老三

首

聞陳伯育結絲舟作樂遊湖戲寄三首

次韻君儀風物可愛之什

淨惠山亭要客致酒

感懷寄泉守陳君奉大夫

再和阮軒即事

和君儀高明軒

携茶訪徐彥醇助教

送饒守李澤民承議

南樓有懷元輿

次韻元輿言懷

臨汀春晚

次韻元輿臨汀書事三首

雨中南樓望西方僧舍要元輿同賦

東郊

雨霽

白蓮院觀蔡君謨要師遺跡

開元客館

開元禪寺

次韻元輿雨中見懷二首

小閣夜眺

南山晚步簡自宣長老

次韻元輿題王祖聖南澗樓清思亭二首

贈武平許令

遷居西湖普賢院寄自省上人

夢遊金山寺所四韵既覺止記一聯因足成

之夢中作第二聯

次韵無逸長老秋居見寄

追和紫霞翁記夢二首

次韵元輿見寄二首鼎蔡温老秀才見寄

鼎崇福長老見寄再用前韵寄省上人

和安止懷予北歸悵然有作三首

劍贈裴泰辰先生

次韵俞資深承事二首

東湖圓山謝雨二首

和劉才秀秋日田舍

和宣守林子中修撰列岫亭

列岫後題贈子中修撰

子中修撰疊嶂樓置酒

次韵子中修撰寵贈之作

次韵子中修撰塔院題竹

子中修撰示書有不得同遊水晶宮之嘆作

唐格四韵寄别

寄鳳凰山張居士

永安載公純秀才

次韵陳思道見送之什

至萬安寄吉守李獻父大夫

將至五年先寄穎叔脩撰

南雄望遠亭本朝章節公所本作公嘗為郡守

種荔子二株今方茂盛而後人所種皆不

成東美要予致酒亭上為賦四韵

凌江立春日呈黎東美太守

韶州武溪亭唐格

六祖南華寺

六祖大湧泉

武溪亭勸頽歸聖朝奉酒

雪中宿月華亭唐格

補到難篇終別作八句寄吳聖与長官

廣慶寺

次韵彭教授送别

次韵湛判官送别

次韵廣幕黃承事見寄二首

石室後遊

寄惠守蘓元之

寄題李封州宅生堂 寄題賀州甌山亭

次韻宜掾徐子美見寄

故人李端夫昂赴廉州從事石室致酒留別

二首

留湯主簿小飲 送劉光道赴桂幕

九日登此樓示客

次韻宜掾徐子美見寄

次韻陳文思見寄 寄題羅池廟

送穎叔待制拜六路都運之命

次韻林辨之長官送別之什

謝洪府黃安中尚書惠雙泉二首

次韻黎東美江上偶作

吉州仙都觀覽前守李猷父留題

貴池寺照遠軒

追和梅侍讀題桂池寺元韻

寄題呂得中先墳懷先亭

送魏汝宣德唐格 寄致政蘓子平大夫

送葉聖叅守九江郡 送林長老再遊浙東

姜希哲四昭軒送別 胡与幾被台訪別

再遊浮山呈卧禪老 寄題潘温叟林堂

和倪敦復觀梅三首 又同賞落梅二首

題方處士卷尾 題謝氏雙溪閣

重陽懷歷陽孫公素太守

公素送酒見及復次前韻和答

送賈明叔待御守宣

次韻昭掾徐子美見寄二首

題金陵白鷺亭呈府公安中尚書二首

次韻安中尚書鍾阜軒

送錢朝請還臺 燕陰北寺檜軒

明叔致酒疊樓

次韻鄒幾聖舟次燕江見寄

寄題歷陽王純甫新作連雲觀二首

送黃奉諫知白州前宰清遠

次韻朱昌世察院登鍾山

次韻光守楊公濟見寄

病中先寄慎宰閣公達承諫

陪朱行中龍圖飲澄惠院二首

再見吳淵卿長官時年八十一

淵卿席人上和李天旣四韻時與鍾離中散

并予共四人

次韻行中龍圖遊浚浦六首

次韻行中龍圖思宣城

寄題玉筍觀兼簡道政求逐馬草一名逐馬

謂服之久則可以行逐良馬

端門肆赦

王平甫下第南歸

贈歷溪張居士

題濮陽氏新閣

代先書奉迎廬帥元輿待制

許氏樂隱亭

重題嚴伯成秀才西齋喜其子高預鄉薦

劉交侍禁書報王安君鐸改官監懷州武德

鎮以詩喜之

雪中招徐子美祕校飲二首

史君梁奉諫送客至高明軒為予言登覽之

勝作四韻戲寄

次韵徐子美见懷兼簡湯君材
將至壽州先寄知府龍圖三首
置酒壽陽樓呈主公龍圖二首
置酒西樓呈主公龍圖
置酒思禹亭呈主公龍圖

別行中龍圖

送廬倅趙習之朝奉還臺

聞宣州王左丞被召還闕擬送

送王左丞移鎮金陵

題史君梁正叔浩然堂

以下卷二十四

青山集卷四

當塗郭祥正字功父

淮南韓魏公新祠

新祠重見舊風標
儀鳳無散立紫霄
富貴榮華垂四紀
功名事跡冠三朝
月移簾影燈長在
春散庭陰木未喬
何獨斯民懷惠愛
帝詞天象刻琨瑤

韶州唐張文獻公祠堂

文獻碩學問該可憐
為相遇嫌猜當年致
主陳金鏡後空祠見
鉄胎武水直疑龍臥
久韶山時想鶴

歸來我朝繼有襄公出誰道南方之美材

謝發運穎叔寵寄新什

春風丹、送流季一望風霄一恹然帝閣輟才聞出
使漁簑紅老不成仙已甘荆棘填靈府想見蛟龍走
蜀笺正是水深波浪濶忽逢高鴈寄華篇

陳秀才惠示長歌答以四韻

世路飄零久愈羞詩壇誰許結英游身南海上三年
夢心寄江南一葉秋已分羽毛藏枳棘儘從謔誇起
戈矛真才合化驪珠貴何事傾懷輒暗投

和君儀感時書事

海角逢春子細看一番輕煖展輕翰約風柳帶金爭
軟著雨梨花玉鬪寒隴笛不知何處咽秦箏著意為
誰彈留郎更賦多情曲直欲豪華將社壇

阮希聖新軒即席兼呈同會君儀温老三首

阮軒要客暮春時淡蕩晴絲日正遲出屋花光紅碼
碯隔湖山色碧琉璃老榕垂幹浸疎箔新帛呼鷓過
海邊我欲高吟還閣筆坐中兩蔡搃能詩

短籬

海邊邂逅禁煙時選勝携壺不可遲日射山光如琥

珀水涵天影，侶琉璃。鶯隨柳絮翻，羅幙人並桃花映。
竹籬却憶綠槐陰，下路曾尋宮葉為題詩。
誰怜齟齬老明時，把酒尋春已恨遲。舟漾綠波飛舫，
艤烟籠青瓦碧琉璃。狂嗟李白驅鯨海，醉羨陶潛倚
菊籬。爭似隔林聞一曲，與君同賦杜秋詩。

聞陳伯育結綵舟作樂遊湖戲寄三首

湖波渺、浸殘春。東開郭，逶迤不群。聞結綵舟撐碧
落，更携簫鼓度青雲。自怜玉海終無敵，却憶瓊漿竟
未分。伯育先寄詩有與君今兩石之語。珠履難陪空

悵望且憑詩句張吾軍

東陳風義舊傳聞，鷓鴣鸞鳳果逸群。青竹題詩才倚
馬，画舫樵鼓氣凌雲。賞心自向明時得，樂事應容下
客分。款飲惠湏翻玉海，背河決勝看齊軍。
臨漳多士冠南閩，况復高才更出群。筆下文章翻錦
綉，坐中談笑領風雲。美名合預青錢選，邪黨今從白
眼分。聞欲高亭張雅宴，寒寥應憫舊將軍。

次韻君儀風物之可愛之什

二月風光着意看，莫思旅食久艱難。林間鶯喜綠蠻

語水畔花愁稍料峭寒遊子牽衣欄道飲美人携瑟
上樓彈少陵野老誰能繼君有新詩合築壇

淨惠山亭要客致酒

何處要賓入醉鄉窳雲亭榭冠南漳城隨山阜龍蛇
轉花覆園林錦綉香三月風光聊酌酌百季人世少
康強採薇甘餓甗瓢樂安用須為画省郎

感懷寄泉州守陳君舉大夫

柴門永日淚沾巾事與心違漸失真家住江南幾萬
里身南海上已三春明時永枉作銜冤客皓首翻為

哭子人多謝泉州賢府主數將書札問悲辛

再和旣軒即事

遊人隨需蹈青時日永天低樂奏逢水上往還多翠
碧盤中光潔盡琉璃重山複嶺爭侵戶淺杏深莢半
出籬正是鮮春堪愛惜勸君莫作送春詩

和君儀高明軒

一軒華榜揭高明簷角昭々掛日星鷗鷺翩翩下空
渚雲烟時復起中庭長蘿却覆鮫綃帳遠岫爭開翡
翠屏香篆半銷塵念息始知天地一浮萍

携茶訪徐老醇助教

蓬華蕭然一畝宮
生涯四壁有清風
鄉閭高行終無玷
場屋遺才誤至公
書卷五車心盡記
年華八十耳猶聰
滿杯雪液聊分酌
別後音塵豈易通

送饒守李澤民承議

傾蓋論心古亦難
詞源向我瀉潺湲
番川共借顏公去
漢室誰憎賈傅還
莫遣塵埃侵鬢髮
且張圖畫對雲山
公自画番川圖
何時樽酒重相遇
魏北江東落照間

南樓有懷元輿

且欲臨高遣百憂
故遺筇杖立城頭
田家隔水犬吠犬
天氣新晴鳩喚鳩
靡迤物華春又盡
紛霏塵事老何求
史君閑暇須行樂
莫為愁人罷樂遊
元輿以予宅禁而未嘗把酒豈可以僕而廢他客乎

次韵元輿言懷

与君交臂每忘憂
用即三公尚黑頭
美化流行非乳虎
新詩老重似睢鳩
篋中玃貝方論價
江上田園未足求
信道斲輪真妙手
只慙縲紲玷英遊

臨汀春晚

黯淡陰晴閣雨天，清明將近見鞦韆。
風高喬木鶯初轉，水暖平沙路鬪眠。
身計只知憂陷穽，年華豈解老神仙。
迢迢歸路三千里，始信家書值萬錢。

次韻元輿臨汀書事三首

福撫開山罷戍兵，我朝仁澤始流行。
嵐煙蒸濕同梅嶺，地脉逶迤接贛城。
花木藏春先曠拆，兒童要壽半岩名。
如今太守真黃霸，里巷歌謠善治聲。
岩名謂南安岩主

碧瓦參差幾萬間，重樓複閣更回環。
城池影浸水邊水，鼓角聲傳山外山。
鑿落闌傾元弛禁，鞦韆爭蹴不容閑。
史君更得同民樂，日擁笙歌倒醉顏。

近郭溪山最可遊，雨晴天氣迓如秋。
人携羽扇防濃霧，馬惜韉泥涉淺流。
竹葉要翻金盞底，梨花偏稱玉釵頭。
臥龍勝事堪圖畫，迥壓閩南七八州。

雨中南樓望西方僧舍要元輿同賦

殘春絲雨洗氛埃，一日重城望數回。
熟色淺深添草樹，輕銷高下覆樓臺。
溪聲遠與鍾聲雜，山影今從電

影開不得盡工如立本史君以寫最多寸

東郊

東郊悵望惜春歸頗覺季采萬事非不禁離愁須覓
酒得聞歌響却沾衣蜜蜂捕藥穿花去巢燕尋泥拍
水飛物態風光能幾許老無憂患世人稀

雨霽

今朝晴日照柴扉即看輕雲捲翠微燕子有情歸旧
棟柳條牽恨拂征衣故鄉書信何時到瘴地烟嵐此
處稀白酒一盃聊強飲物情人事恐相違

白蓮院觀蔡君謨要師遺迹

盤屈龍蛇未奮身老禪當日亦知人來趨蓮幕文章
客去作金鑿侍從臣物外論交終不泯壁間題字尚
如新年楊柳春先綠誰復多情与望春

開元客館

裂瓦欹椽五六間地形高下頗倚山黃鸝相應雨初
過綠樹成陰春已還土甕有煙營飯飽柴門無客任
苔斑却思一釣滄浪去蘋葉蓼花相伴閑

開元禪寺

三寺參差見刹竿 東塔天王開元三寺相鄰開元形
勝據龍蟠樓臺影落青霄顯鐘磬聲傳碧澗寒物
有緣香供盛塵土無礙法筵寬欲隨大士披華藏此
斗容身亦不難

次韻元輿雨中見懷二首

屋漏泂窓玉篆斜索居蒸濕度年華街寬欲寬中都
獄抱豕難鼎漂母家地隔五湖秋鴈絕草荒三徑曉
猿嗟悲歌半夜彈雄劍恨血千年變土花
兩鐔柴門一徑斜詩筒時復覘英華自憐白髮非商

吏却對青山憶謝家卞玉逢知終薦達隋珠投暗只
驚嗟悲歌半夜彈雄劍恨血千年變土花

小閣夜眺

白日塵寰憂思深夜登危閣解煩襟空江雲盡月涵
壁絕壑風生松奏琴佳客不來分坐賞獨醪誰為此
時斟踈鍾輒莫催清曉吾欲凭欄更一吟

南山晚步簡自宣長老

兩過南山紫翠深團團仙露洒衣襟碧雲影裏寒猿
嘯玉澗聲中怨鶴吟期赴前林同茗酌倦投盤石揀

蘿陰憑誰寄語謝康樂安用披榛故遠尋

次韵元興題王祖聖南澗樓清息亭二首

平昔朱衣駕兩轡高樓歸隱臥雲泉文章未許私盤
谷水墨無勞昼輞川春日半晴花照地秋風入夜雁
連天燒丹碎穀非吾事能遠塵寰即是仙

松徑松溪水深水光澄碧倒松陰浮盃可酌劉伶
酒坐石仍禪請節琴無數輕鷗隨出處幾番嘉客伴
登臨自嗟羅網何時脫往濯塵纓為一吟

贈武平許令

昔拜先翁匯水濱存止回首幾經春鳳毛今喜為花
縣鶴髮誰嗟困客塵篋有贈篇長取讀心藏遺德尚
如新源世澤來無盡桂籍傳家已四人

遷居西湖普賢院寄自省上人

十畝方塘四岸榕夕陽初盡月生東不嫌瘴地無家
別猶喜山房有路通寧使五塵長我縛得超三界与
師同遷居却作安居計病入殘年兩耳聾

夢遊金山寺作四韵既覺止記一聯因足成

之夢中作第二聯

珠簾高卷倚危欄，望盡方知出世間。
江海交流雲縹緲，樓臺相映月回環。
薰成香界渾無地，化作天宮別有山。
京口瓜洲竟安在，夢醒却欲泛舟還。

次韻無逸長老秋居見寄

榕樹蕭蕭一徑深，門庭秋靜紫苔侵。
能依幻質循元覺，默運真悲拔衆沈。
有想願分香界飯，忘言求出世間心。
旃檀漫把爐中熱，無盡無邊結寶陰。

追和紫霞翁記夢二首

乘雲親到紫皇家，不是人間舊物華。
四座散香春結

蓋一墀栽玉曉，生花入盤仙。
李皆含露出，鼎馭金尚帶砂。
偶對吟牋，追昔事猶疑。
鸞鳳數行斜。

笑上蓬萊第一山，葱蒼半落有無間。
金雲碧月夜何永，玉殿珠樓人闕閑。
五岳已成超險路，九天從此造玄關。
回頭為問飛源客，底事鷄鳴便欲還。

次韻元輿見寄二首

不得陪公九日行，想提椽筆瞰西城。
風流自可追王粲，憔悴猶能憶穉生。
萬里還家唯有夢，一身投獄豈忘情。
何時共擲滄溟釣，醉倚三山欲贈鯨。

霜雪蕭然滿鬢鬚平生憂患更無如強傾濁酒消塵
事每見荒榛憶舊居倦鳥久摧千里翼故人頻枉數
行書城頭高閣何時到多在三春細雨餘

鼎蔡温老秀才見寄

一庵聊寄碧岩陰忽得新詩慰我心後力自追天馬
健弱騰還與海濤深門前俗子無形迹物外松風有
好音病起可能携杖屨共尋明月到溪潯

鼎崇福長老見寄

寄榻西湖不掩關殘年猶得伴身閑僧投羅網歸無

路目送烟雲幸有山新句忽傳文字外舊遊重想笑
談間故人風義如師少慰我憂愁兩鬢斑

再用前韵寄省上人

四壁蕭然我亦空更無歸夢到江東樓臺不礙塵
現鐘鼓相聞法通玉塵揮談真契合蓮花今座風
緣同回頭重濁堪憐憫妙性如何自瞽聾

和安止懷予北歸悵然有作三首

濛濛春雨氣撲晴霄遊水登山望沈寥舊學已荒三
歲懶故鄉何處一身遙沈溝斷木思班匠吹沫織鱗

以下卷二十五

待晚潮君有高才當自奮不應先我問耕樵
雨餘風物一番新得句慚非畫手親柳眼含烟如恨
客花心凝露欲啼春黃鸝出谷方求友紫燕營巢不
避人獨我未沾青帝力僧窓聊寄幻泡身
一讀詩翁寄我篇却思鄉國醉瑤泉數聲玉樹秦淮
月萬里春采石船軒冕沉浮真外物冤親平等委前
緣杜陵子美知何意更欲吹噓送上天

劍

不得公孫一舞看空嗟塵漬血痕乾鑄成星斗生光

焰化作龍地會屈盤金匣藏時天地靜玉池磨處雪
霜寒誰為將相扶明主此物能令社稷安

贈裴泰辰先生

匣劍光鉞射斗牛提携天下洗人讎英雄心胆老猶
在道路風塵行未休名重更湏完小節義高何足論
閑愁濛濛細雨陵陽市折取紅梅上酒樓

次韻俞資深承事二首

聯居同入潯仙山下瞰重城拍掌間不憤青春添我
老且傾白酒伴君閑三年共佐閩中郡一檄誰招海

上蠻聞說天門新奏樂帝樞佳氣紫回環
青嶂潭岫撲晴嵐紫燕黃鸝若縱談自愧不才甘薄
祿喜逢佳客解羸駝仙山有路終難繼海品論珍昔
未諳地勝人醇真可樂夢魂無復憶江南

東湖

東湖北瀟水相通十里荷花半白紅冷艷已能消酷
暑暗香時復散清風欲眠別浦江魚艇且倚踈欄學
釣翁雲起仙亭庭飛晚雨洒然身世出塵籠

圓山謝雨二首

牲牲報祀入圓山赫々神功拍願間水滿大田甘雨
足龍歸溪澗宿雲閑樂聲自和松聲奏玉色遙瞻酒
色殷安得夢魂陪逸駕更傳仙句落人寰

自挈壺漿疑廟門黃蕉丹荔薦清芬沉烟未過盤中
篆電影已翻江上雲沛澤不惟滋稼穡涼飈仍為掃
嵐氛圓山信作潭南鎮想戀枇杷玉色醺

和留秀才秋日田舍

物幻非真只自知却尋田舍度衰遲漫為陶令紫桑
樂不學荆軻易水悲午睡最能消永日一巢長欲寄

溪枝聞君亦有道遙趣可濯滄浪共賦詩

和宣守林子中修撰列岫亭

蕪州方稱白公才又見宣城謝守來
兩處溪山重秀發一亭風月助徘徊
水光颭灩龍鱗活岫影參差雁序開
不用紅裙唱金縷只題佳句殷春雷

列岫後題

謝公遺句惜烟沉更作新亭一百尋
宿靄擁山眉歛翠夕陽浮水帶橫金
黃鸝喚友鳴聲軟白看窺魚意思深
看盡物情俱是幻要須携酒數登臨

贈子中脩撰

承明厭直下天來聊繼昭亭小謝才
珠迸玉盤詩得句月騰金浪酒盈杯
江城未許民心借京國顯瞻召節回
試問行年俱乙亥固應怜我困蒿萊

子中修撰疊嶂樓致酒

重山復水碧相連勝地欣逢太守賢
欲倒樽壘秋色裡故邊賓客畫圖邊
丹青迴壓王摩詰騷雅仍兼白樂天
莫戀宣城風物美玉堂提取如筆椽

次韻子中修撰寵贈之作

聲名入洛弟兄傳出擁旌旗老集仙挹月珠璣光射
海凌秋鵬鶚氣橫天文章落筆元無敵器宇藏春豈
有邊一見音容聊復莞爾却携樽酒共頽然金門曾奏
相如賦水閣重吟杜牧篇強駕蹇驢追逸驥已知霄
壤不相連

次韵子中修撰塔院題竹

不是集仙來咏竹更誰能繼紫微吟謂小杜也看隨
霜雪終吾老寄語鋤犁勿見侵欲把一竿垂直釣更
須千畝廣清陰蕭郎妙筆堪圖畫添入蓬萊第幾岑

子中脩撰示書有不得同遊水晶宮之嘆作

唐格四韻寄別

西庵吟醉憶君同忽得新詩思愈工下筆捷才如駿
馬接人和氣侶春風敬亭姑孰猶為遠庾嶺端山更
幾重自嘆鷓鴣無健翼追飛不到水晶宮

寄鳳凰山張居士

聞君深隱鳳凰山池水相通竹石間一念報親長不
斷六經傳子勝空閑青猿摘啼果兼嘯白鳥穿雲去復
復還自愧塵埃行老矣何時載酒伴配顏

永安戴公純秀才

鬢髮一衰翁又泊倉頭阻逆風推去未應如謝
令重來終是媿司農熙寧父老知誰在元祐田園喜
再豐置酒高臺要我醉却尋陳跡喜君同

次韵陳思道見送之什

誰聽袁宏半夜吟一時傾蓋便知心疲駕自信難追
驥秀才從來忌出林巧匠旁觀縮手明珠所得已盈
衿嶺頭孤唱思君和着月梅花侶縷金

至萬安寄吉守李獻父大夫

江水成文地最奇風流太守更能詩送將臘梅盡花
怨喚得春回燕子知一餉功勳真夢寐千年名字付
傷悲盛筵尊酒頻賡唱幙下高才侶牧之

將至五年^羊先寄穎叔脩撰

句水分携二十年却臨南海望青天元戎為解陳公
榻下客慙非孺子賢冷艷一枝梅照眼清光五斗酒
盈船朝廷近日無新事只恐西戎尚擾邊

南雄望遠亭本朝章節公所作公嘗為郡太守種荔子二株今方茂寔而後所種皆不

成東美要予致酒亭上為賦四韻

城角危亭面、開塵侵丞相舊如牌
凌江欲轉鯨魚活荔子成陰玉樹埋
庾嶺乍過無瘴霧長安不見柰
愁懷且傾濁酒承高論秋水何難辨渚涯

凌江立春日呈黎東美太守

斗杓東指幹春回樂奏昇平助殷雷
魚躍元無溪面凍雪光散作嶺頭梅
主人和氣均千里北客歸懷寄
一杯色滿皇州三殿喜瓊林先放桂
花開是年龍飛榜

韶州武溪亭唐格

滔、武溪一何深鳥飛莫渡獸莫臨
山色欲學翠鳳舞笛聲自作蒼龍吟
尊壘漫借春力暖髮髮未免霜
華侵形容不上凌煙閣馬草裹尸
那可尋

六祖南華寺

水轉山來曲、梯參差樓殿占清輝
龍章鳳襲藏天篆玉索金鈎賁祖衣
春去不知庭柏老月明誰擢釣
船歸曹溪有路人、到踏斷玄關古亦稀

六祖大湧泉

金鑲一卓透曹溪禪祖心傳上、機流出山腰蒼兕
吼湧開池面碧綃飛應同霖雨能蕪早莫比滄浪只
濯衣不願夕陽催我去要隨幽鳥帶雲歸

武溪亭勸顧歸朝奉酒

邂逅窮荒遇俊才故將懷抱向君開功名未得金橫
帶老大音情空驚雪滿腮嶺北嘉蔬無此笋江南相
識尚逢梅夜闌莫作思鄉夢且聽清歌更一杯

雪中宿月華亭

唐格

大庾南來山更佳每逢古寺函柴車曹溪衣傳葛獠

布月嶺樹種蘋婆花千年不壞物稀有一日寓賞心
無涯北人浪說瘴霧惡行擁貂裘衝雪華

補到難篇終別作八句寄吳聖與長官

結客元和六載春探深碧落跡如新可量秋色三千
丈名寫風光十四人文格迥欺韓愈老字書尤逼小
王真近來好事誰能及我續遺音君可嗔

廣慶寺

寺當南北二禺間合翠亭名全清閣名總見山一石
尚存垂釣處五年時載老仙還金流月影真盤谷黛

潑嵐光小劍關安得鵲橋橫絕頂下臨河漢瀉潺湲

次韻彭教授送別

平生愛著五雲裘不受身為萬戶侯白石清泉隨步
到斷霞殘月滿懷收故園已恨荒三徑皓首何堪困
一州邂逅逢君滄海上涸鱗終欲借洪流

次韻湛判官送別

一朝傾蓋若忘年更把新詩物外傳側望風流還入
幙應怜憔悴未成仙離樽漫托春風裏短檝行依瘴
海邊十斛明珠君不惜珊瑚投擲滿巴牋

次韻廣幕黃承事見寄二首

不記西亭醉別時別來佳句愈瑰奇心隨形影沉天
角夢逐灘聲到海湄滿目青隨共樂何年黃卷得同
披遙冷巖武能為節幙下爭傳老杜詩
孤城寂寞瘴嵐州虎竹分符強少留老鈍不知今世
巧行藏猶愧古人脩天理釣船千丈紗帽籠頭茗
一甌無奈北歸忘未得非君求友更誰求

石室後遊

七星山色碧離離山下空岩世所稀不歎霧深知豹

隱有時水長見龍歸方床瑩潔仙人座文石縱橫織
女機旋剔蒼苔辨陳迹李邕詞翰亦依稀

寄惠守蕪元之

揮金愛士氣尤雄暫擁旌旗碧海東十八素娥傾皓
月三千佳客倚春風高才可惜經綸晚把酒何時笑
語同霜落草枯應射虎短衣匹馬欲隨公

寄題李封州宅生堂

鱗鱗鴛瓦構堂新意在黔烏惠澤長峴首去思聞墜
淚台南遺愛有甘棠水光送月浮珍席山勢和雲插

畫梁安得才如張相國為君重賦宅生章

寄題賀州甌山亭

賀州城西丹甌山一亭遙挿紫雲間龍墀讓策名猶
在雀馭凌風去不還善政再應來瑞物勝遊安得伴
鮑顏元戎詞翰鐫金玉千古長如碧澗潺

次韻宜掾徐子美見寄

去年與子別當塗彼此形骸若夢餘悵望欲窮千里
目相思不寄一行書青山歸去容身好白眼從來處
世疎桂水東流湏入海新詩時復委雙魚

故人李端夫昂赴廉州從事石室致酒留別

二首

注地銀潢兩峽開
雲林冰淨不浮灰
新詩欲與何人論
舊友今從上國來
薄酒謾為仙室飲
歸鞍無奈夕陽催
君懷自有驪珠富
合浦休將一浦顛

才如吾子尚區區
羽檄從今萬里餘
白髮可怜歸計晚
青衫只似拜恩初
一樽邀客非無酒
千卷隨東幸有書
已把窮通推定分
故人達宦任情踈

留湯主簿小飲

窮荒得見故人稀
話舊還驚歲月飛
君有兒孫能力學
我無金穀可言歸
靈仙觀裏黃柑熟
采石江頭白蟹肥
北望何時同此樂
暫留行櫂莫相違

送劉光道赴桂幙

氣吐虹蜺髮未皤
逢人輒莫嗟
蹉跎邊隅鋒鏑後
今少幙下篇章所得多
雨洗山光浮碧玉
春回江色熨青羅
元戎早晚歸金闕
薦稱應先著述科

九日登北樓示客

九日登高可強歡
聽歌莫放玉盃乾
黃花爛漫宜新

酒白髮稀疎落小冠
桂水波光趁海急
峽山嵐翠帶雲寒
故鄉萬里知何處
更凭朱欄向北看

次韻宜掾徐子美見寄

忽逢便翼寄新章
不惜明珠滿斛量
姑熟萬家花映竹
丹湖千頃月和霜
結廬已許陪吟社
衣錦應須返故鄉
底事却言歸未得
夢魂猶欲泛滄浪

次韻陳文思見寄

星灣高會豈能忘
萬丈離愁寸寸量
東閣賦梅攄錦繡
南山射虎凜冰霜
功名未得封千戶
耕鑿何由共

一鄉春歲秋鱸味
徧美時聽社鼓醉淋浪

寄題羅池廟

種柳江邊不得歸
歿將靈魄寓羅池
名叅韓子猶為幸
黨入王生最可悲
簾捲瘴雲燈斷續
門荒秋雨菊離披
早穰請禱年々事
瓦鼓巫歌莫一卮

送穎叔待制拜六路都運之命

朝聞紫詔下龍樓
夕卷紅旌別海陬
六路理財煩侍從
一閤傳節繼風流
希魯公嘗以待制領發運詩如
老杜猶為達策侶
劉蕡稍見收廊廟
乏材終大用願

均和氣及岩幽予已乞骸將歸舊廬

次韻林辨之長官送別之什

十年相識跡非疎今日江亭嘆別車
牢落名聲諛謗後支離形影瘴氛餘
重來仕路誰為援却返家園欲自如
烟浪一舟無長物罷官只侶到官初

謝洪府黃安中尚書惠及泉二首

北風遮莫阻歸舟公有雙泉慰客愁
玉斗貯來雲尚凍金蕉傾處蟻爭浮
黃花遙想東籬畔白浪正翻南浦頭
醉魄忽成蝴蝶夢却尋春色到皇州

北風變冷水歸濡南浦扁舟未得行
孤雁叫雲詩胆碎怒濤舂岸客魂驚
誰陪高論應懸榻想有雄詞欲贈鯨
病骨支離難強起尚蒙樽酒慰餘生

次韻黎東美江上偶作

帝庭江國屢相逢不覺霜毛歲月空
君奏課書雙闕下我携輪釣五湖
東論歸學海方無跡吟到詩壇始有功
一任北風翻地起且圖樽酒暫時同

吉州仙都觀覽前守李獻父留題

乍出鋒鏑巖石來仙都忽見五雲開
霓幡閃閃排真

馭珠網重々覆絳臺照水碧蓮猶未變遠壇紅杏亦
新栽劉郎去後誰行樂壁上龍蛇半紫苔

貴池寺照遠軒

碧瓦週遭映佛幢更窮眼界敞軒窓山光半擁初生
日天影寬圍不盡江詩思未容秋色亂酒醺能使客
愁降陶潛有憶東籬覺且倚欄干倒一缸

追和梅侍讀題貴池寺元韻

寺挿孤峯壓貴池幽軒占勝敞雙扉陰生廣野千山
失影落空江一雁歸安得有緣陪社客更尋何處息

塵機南來北去無時盡誰念滄浪可濯衣

寄題呂得中先墳懷先亭

亭壓全閩近塚丘四時營祀想神遊毫添玉兔新成
史德合銀潢不盡流翼々棟梁橫蜃澤林々松價冒
霜秋榮名已往餘陰隲定有兒孫萬戶侯

送魏汝士宣德唐格

隔江為宰便庭幃歸去青霄結主知租賦寬平民共
樂文書清簡吏常飢始終不變溫如玉離別相憐醉
侶泥上國故人應問我為言耕釣老明時

寄致政蘓子平大夫

十年想見蘓夫子聞說腰金便棄官雲在皖山峯上
住龍歸潛水窟中蟠已無俗至心休洗更有春醪盞
不乾我亦江南專一壺憶君相傍把魚竿

送葉聖叅守九江郡

湓浦夜濤聲動地香爐晴影碧連天樓中不負庾公
賞席上誰為陶令賢且擁旌旗飛畫鷁行聞臺閣選
青錢班春過我舊遊處門巷莠花應寂然

送林長老再遊浙東

姑溪不是留君地雪竇天台更一遊玉浪濺雲泉尾
活金盤擎海月華秋將心與客無痕跡問疾何人敢
對酬我把釣竿相憶處蓼花紅影上絲頭

姜希哲四照軒送別

幽軒邀客每凭欄景物蕭然四世味閑翠碧濕烟山
匝匝光明隨夜月回環一盃濁酒起塵外幾首新詩寄
壁間不待從容與君語片帆却欲趁風還

胡興幾被召訪別

已喜乘輅歸玉闕尚能騎馬過柴門離魂有底銷千

火殘日無多寄一樽得路看君終直節閉關唯我守
空言霜風素髮頻歎帽淚對桓伊不可捫

再遊浮山呈卍禪老

當年尋勝已忘還東興重來倍覺閑赤脚敬瞻新寶
藏白髮羞對舊青山禪翁昔授嶺頭袖狂客今深樹
穴環行把生涯付妻子幻身長寄一窩間

寄題潘溫叟林堂

有堂歸去客身好天上人間已遍遊遠害能果超華
左忘情却欲繼雷劉松臺風送晴空雨荷沼雲生畫

卷秋浩氣本來緣直養百年等是寄浮漚

和倪敦復觀梅三首

聞說觀梅借燭光今宵為我更開觴月來枝上水生
艷風過梢頭有香羌笛幾聲傳舊曲菱花一夜照繁
粧坐中老杜凌何遜索酒題詩思欲狂

江月江梅開冷光就梅臨月舉瑤觴素娥未許風搖
影青帝寧容蝶採香迢迢一声羌笛怨輕盈千點玉
人粧出塵標格情多少東閣曾今杜甫狂

月壓江梅似雪光史君要我共飛觴不饒挂樹輪中

影獨占霜娥鑑裏香信報春來先衆卉恨隨人去入
殘粧孔融愛客君能侶席上應容處士狂

又同賞落梅二首

江梅千片雪惜離披更向風前把一卮冷艷不辭今日
舞清香還是隔年期客經月水忘歸處雲倚巫山欲
散時安得不吟仍不飲滿頭華髮擬何為

誰惜東園玉樹空且携樽酒與君同盈一素艷辭寒
萼浥餘香散曉風已許冰霜分我儘饒蕊否向
人紅能詩自有倪夫子何必滁陽覓醉翁

題方處士卷尾

子陵猷往已千年處士重來把一竿治亂不同非我
計文章聊許後人看璞中美玉誰雕琢潭底神龍會
屈盤七世有孫方遇主風流長在湧驚湍

題謝氏雙溪閣

謝家上下雙溪閣水遠山深夏亦涼霜練兩條初合
影菱花一鑑馮餘光樽壘日邀賓客倉廩年富
稻梁更約諸孫勤學問桂科將見綠衣郎

重陽懷歷陽太守孫公素太守

重陽應與客登臨
水無緣預盞簪
濁菴撥醅初泛
蟻佳人織手闌
按金南來縱有
鷄山賞北望頻
興魏
關心安得快風
吹我去勇提椽
華伴君吟

公素送酒見及復次前韻和答

慘別城東秋未
淡相思白髮已
盈簪遠分酒味
須顏
玉^正是秋香欲散
金潤澤生民公
有志浮沉末路
我
無心扁舟明發
穿南斗聊學滄
浪漢父吟

送賈明叔侍御守宣

直節忠言久不聞
堂_々今見賈生孫
老姦去位朝廷

正聖毋怜才德業
尊句水曉光塵不
染敬山秋色玉
無痕北樓把酒頻
邀客紫詔傳呼下
國門

次韻昭掾徐子美見寄二首

居巷雖窮愧彼顏
門無車馬任苔班
冰將合沼光容
淨鳥不窺魚意思
閑蹤跡來唯夢往
音郵漫去得
詩還浮生七十今
六十早晚歸飛尋
旧山
侵_々白髮改朱顏
不比當年髮始斑
升斗可伶須苟
祿林岩猶喜早偷
閑黃花籬下枝秀
紫雁雲中幾
度還萬里未歸_々
便得昭州何侶謝
家山

題金陵白鷺亭呈府公安中尚書二首

青城突兀與雲連，誰作高亭落日邊。
六代衣冠歸寂寞，一番羅綺自華鮮。
低徊斗柄斟秋水，飛舞蘆花欲雪天。
直上烟霄無尺五，欲邀王母對賓筵。
西望長安路幾千，此亭更在賞心邊。
黃蘆正耐風霜老，白鷺相將羽翼鮮。
城竦鼇山身匝地，舟排筍柱水連天。
龍吟一曲斜陽下，況是史君開別筵。

次韻安中尚書鍾阜軒

鍾山鱗鬣奮晴雷，觀裏幽軒選勝開。
江水北流朝海去，斗杓東轉幹春回。
已將白雪傳龍笛，何用黃金築隄臺。
寶塔中天掛刀赤，層層鴛瓦不浮天。

送錢朝請還臺

銓選相逢弱冠前，竹符分得各皤然。
開樽且喜君尤健，問舍應輸我最先。
北上有心思報國，南來無物歸船。
冰清世澤源流大，須享人間五福全。

蕪陰北寺松軒

青幢碧蓋儼天成，濕翠濛濛滴畫楹。
禪客自陪千歲老，遊人時把一樽傾。
恥隨桃李春風短，奪盡松篁夜

氣清安得鬼仙提巨筆不容左紐獸傳名

明叔致酒邊嶂樓

陵陽峰頂敞欄杆三伏登臨水骨寒山卷宿雲開紫
府水和明月瀉金湍謝公風味君能侶李白篇章我
到難幸有玉舫騰酒浪欲乘醉興効鵬搏

次韵鄧幾聖舟次蕪江見寄

東風冉：送年華末路浮沉豈足嗟身著朱衣行直
道手披黃卷悟空花世塵擾：元無寔客宦悠：沒
有涯尚喜甘棠遺愛在畫舫先許過漁家

寄題歷陽王純甫新作連雲觀二首

久持使節別堯天故起朱樓北斗邊勢壓江淮盤地
厚影分吳楚與雲連一声奏笛龍蛇曉八法書牌戟
劍懸更借湓城庾家月芟除桂樹照樽前
聞道連雲絕世無急飛輕擢看規模簾鉤低掛半輪
月江岸平分千里圖颭：金船流玉液森：珠履踏
冰壺高材自是明堂柱試作斯樓雄楚都

送黃奉議知白州前宰清遠

看君新作海邊樓氣象雄蕪四五州把筆共題紅粉

壁開罇仍泛玉蟾秋喜將符竹臨千里莫羨渙蓑退
一丘此別定為生死隔雪霜霑盡暮年頭

次韻朱世昌察院登鍾山

盤龍首尾壓東西寶塔稜層位正中萬古林泉流王
氣六朝冠蓋入悲風烟生城郭塵昏盡月滿沙汀雪
映空回首臨川埋骨處後來經緯付諸公

次韻答光守楊公濟見寄

一別城都揚子雲夢魂飛斷每沾巾金門賦奏龍地
曉原廟詩成錦綉春願我漫為長醉客非君誰是廣

騷人榮分符竹歸無路盛送佳篇慰病身

病中先寄慎宰閣公達承議

松價相望孰俊名高才暫屈浚洳城公庭寂、無筭
訟田野熙、有讓耕未作鹽梅調鼎為且鏗金玉直
蓬瀛病骸尚阻趨東閣懷抱思君為一傾

陪朱行中龍圖飲澄惠院二首

寒煙淡日滿滄洲臺榭相通一徑幽志欲吞吳嗟隔
水力能成魏密藏舟紙窓趁曉開黃卷蒲葉涵春付
白鷗千載廢興何可問一樽濁酒更遲留

島嶼回環水繞堤碧蘆青荇密相依凌風戰艦何
處落日遊人尚未歸細細佛香時入座雙雙沙鳥靜
忘機史君自是蓬萊客倚遍欄干戀翠微

再見吳淵卿長官時年八十一

十七年前載酒過重來携手喜如何壽齊八十君方
健思及妻兒我已多對檻殘花猶可賞隔簾小妓且
頻歌人間事了無憂患頭上光陰任擲梭

淵卿席上和李天貺四韻時與鍾離中散并

予共四人

悠悠歲月走驚湍四十三時便棄官坐上得陪諸老
醉樽前須盡一生歡花含餘恨春將去棊筭成功局
未殘欲向金城傳盛事新詩聊代畫圖看

次韻行中龍圖遊後浦六首

密竹疎松闢老蒼驚飛白鳥不成雙樓船飄忽隨朝
電佛炬青熒徹夜窗携酒且來尋島嶼投竿那用憶
湖江君看雨過鋪晴練得句須令小謝降

每欲收吳勢未任遶城鑿浦迹堪尋不知戰罷樓船
散空見春歸荇菜深一坐清風吹往事四筵白酒洗

煩襟公提掾華詩無敵未必張遼善醉吟
細柳高松綠映蒼深沉臺榭晚生涼沙邊宿鷺昏
白草際流螢点点光投網舟移牽碧荇採蓮人去濕
紅裳欲追逸調嗟何及雨入孟盤歸興忙
巨鎮還須濟世才要賓覽古談笑開蜀山迥出千螺
秀肥水長縈一帶迴猶有金城藏後浦不唯銅雀起
高臺異時爭戰歸何處秋雁年々去復來
錦擢飛々畫舫迎焚香夾道看双旌佳賓談笑民同
樂善政循良鳥不驚花鳥可憐春自媚柳洲遙覓月

微明史君一飲詩千句擲地渾如金玉声
冠帶淮西第一洲揚鞭得從史君遊木魚声断東臺
晚水荇香傳後浦秋雙脊自磨銅雀瓦密雲時汎建
溪甌才清思健知無敵且與衰殘作廕麻

次韻行中龍圖思宣城

公愛宣城心不休當年思夢似崔侯兩條溪水橫穿
市十里昭山半在州小杜一時誇俊逸玄暉千載擅
風流青毡旧物雖勤請金馬新恩定再留

寄題玉笥觀蕙簡道正求逐馬草々名逐馬

謂服之久則可以行逐良馬

仙梁飛去有遺壇融結工夫玉未乾一片碧烟鸞舞
破數枝紅蘂鹿嘶殘雨經梅澗芝田熟路入蕭家月
屋寒晚景自伶行十六欲求逐馬問黃冠

端門肆赦

藹藹端門紫氣濃卷簾蘭麝散和風星環帝座天澄
碧繖映龍顏日透紅室扇參差移仗裏金鷄綽約下
雲中恩覃草木先春力萬歲歡聲闔國門

王平甫下第南歸

一番黃紙集群材南國儒英起草萊至寶不逢知己
鑒束書重見下天來壯心肯向明時屈孤憤須臨濁
酒開許有新詩令我聽夜堂還使鬼神哀

贈歷溪張居士

七十人稀九十翁數椽寒屋歷溪東俯窺声利非吾
事自得逍遙与古同一壘琴心調夜月一盃茗酌送
春風趨庭有子明詩礼善澤源、未可窮

題濮陽氏新閣

宅据中州四望寬隔山勢舞青鸞岩堯更起千尋閣

汗漫平吞萬里湍，傳業有兒須折桂。開尊留客共彈冠，霜消冰泮春將暖。魏闕遙瞻獨倚欄。

代先書奉迎廬帥元輿待制

倦題椽筆厭承明，帝與兵符帥十城。簫鼓裂雲迎五馬，山川收雨引雙旌。藏舟浦暖魚頻躍，教弩臺空雁不驚。入境觀風先可喜，秋田高下熟香秔。

許氏樂隱亭

曲水浮基竹遶簷，月華初度晚涼添。羽觴灑、荷敷綠象箸，森、筍迸尖白眼。傲詩饒阮籍，素琴調曲慕。

陶潛城居樂隱能如此，中散風流友弟兼。

重題嚴伯成秀才西齋喜其子高預鄉薦

賦似相如不遇知，喜聞鄉版薦麟兒。容身安穩書盈篋，與客翱翔酒滿卮。夜月影搖楊柳送秋風，香散蒹花籬。竇家千載傳遺美，一樹靈椿柱五枝。

劉交待禁書報王安君鐸改官監懷州武德

鎮以詩喜之

自得劉郎音信通，遂聞增秩喜無窮。江東子弟誰怜我，洛下文章只有公。形影蕭條千里外，交遊零落百

年中韓暕鄭李并予与君安皆皇祐中京國密友何
當老境重相遇不話風旣話苦空

雪中招徐子美祕校飲二首

冰澌合硯漫書空密色雪飄餘曉色通萬里雲光同
浩
蕩四邊山影隔溟濛明月窟迷驚兔陣桑林叫
朔風不惜金龜將貫酒欲招南郭苦寒苦翁

霏、皓雪翳長空南郭緣何有徑通訪戴船歸清興
逸姓袁人臥冷光濛欲傾樽俎延高蓋忍得蒞章適
古風四十年前除夜樂如今相對西哀翁

史君梁奉議送客至高明軒為予言登覽之

勝作四韻戲寄

史君送客陟高臺天宇澄清四望開一字橫空霜雁
去兩眉分碧楚江來廟堂孰是調羹手郡國猶淹濟
世才新酒正香鱸蟹美藍輿何日許重陪

次韵徐子美見懷蕙簡湯君材

濶別天涯每愴然相思只欲學飛仙君承交辟專民
事我慕高風謝世緣南郭不辭三徑遠子美家在南
郭東山長與五雲連君材家在東山會須載酒勤相

過齒髮蕭條各暮年

將至壽州先寄知府龍圖三首

感公招我欲論詩故歲新年頗後期
冰塞大江舟渡晚雪迷官道馬行遲
溪_々畫戟_々雙開處淺_々梅花半
綻時北闕除書應已到願陪租帳捧瓊枝
短帽青衫信馬蹄只愁吟社爽襟期
曉回谷口禽聲軟寒束梅梢春思遲
幸挹清標_々怜野逸_々肯將孤憤累
明時聽公高論何由盡應比醜醜
灌蒲_々采石江邊寂寞歸壽陽
重到信前期聞韶忘味寧非

美傾蓋論交已恨遲
白鳳文章元出衆青雲岐路合
逢時杏花正怯清明雨強欲留連更一卮

置酒壽陽樓呈主公龍圖二首

珠履繽紛宴壽陽欄干橫出白雲傍
清淮倒影長橋活古壘無春峽
石荒小艇闌重凹鼻釣佳人猶學曉
梅粧史君筆力今誰敵麗句須盈古錦囊

置酒南樓瞰夕陽遙迤淮影轉城傍
畫殘數幅山川舊棊散一枰洲渚荒
細柳倚風相並舞飛梅着地不成粧
坐中佳句誰先就我欲窺公倒智囊

置酒西樓呈主公龍圖

新樓與客一凭欄
眼界方驚阿堵寬
峽石倚天開玉壘
清淮浮日洗金丸
少陵才力吟非易
摩詰工夫畫亦難
向晚西風吹坐急
欲憑鴻鵠借脩翰

置酒思禹亭呈主公龍圖

小亭危瞰二峯尖
禹迹千年氣象炎
浪濺日華金沸鼎
雲收山色鏡開奩
持盃選勝吟誰敵
與客忘形德愈謙
淺量為公甘醉倒
扶頭唯擬病厭厭

別行中龍圖

要登畫戟發江南
千里春泥倦亦甘
力探禹工觀駭浪
却尋佛迹宴團庵
欲陳舊學羞茅塞
喜聽新詩縱酒酣
歸去憶公勞夢想
冷猿幽鳥語相參

送廬倅趙習之朝奉還臺

洛陽名譽弟兄兼
霧拂青天幸一瞻
善政及瓜民惜去
美材如玉士稱淹
風搖湖浪應須避
馬濺春泥不用嫌
公捨舟登陸以避
巢湖之險聞說朝
廷圖旧德姓名交
奏動宸嚴

聞宣州王左丞被召還闕擬送

熙寧治蹟儼如新聖主今朝用舊臣
松冒秋霜方見節玉經爐炭始知真
具瞻重喜周公入論道誰先孟子
醇試作雲霖蘓早曠西疆猶有未來人

送王左丞移鎮金陵

千艘飛櫓入淮灣竹馬爭迎舊帥還
牛酒未頒諸邑下旌旗先謁兩山間
武陵侯暫擁元戎節裴度須歸上
宰班精義入神遺像在載瞻堂
撫涕重潛

題史君梁正叔浩然堂

養浩深思孟氏醇一堂窓戶更清新
篆香未過日停

午蟻酒初浮鬪弄春枉尺直尋非我欲
仁民愛物任吾真三年課績書優最
此地誰來繼後塵

青山集卷四終



